

# Лачын

Соколёнок



КІЕЛ БАЗЛИ ГЪЧАМ ДУРАБУЛХЪУСИ ДУРХІНАС ХАСБАРИБСИ РЕСПУБЛИКАЛА ЖУРНАЛ

0+

2/2026  
март - апрель



# ДУРГЪБАЛА БИКЪРИ

(Муса Мусаевличила)

**Х**алкъла гяртистка Зульфия Ильясовали ну тянишрарира дургъбала бутлакъянчи Багъаудинов Муса Мусаевличил. Ишди бурхназив ил 102 дус виубли сай. Зульфия дургъабала бутлакъянчибала «Волонтёр Победы» руили сари. Илини дургъбала бутлакъянчибачи гъуни баргили, чинаб биалра илдачи рашули сари. Илдас рурусигъуна кумекра глеббаахъес къайгъназир сари. Илди илисра баркалла биклули саби.

Ишди бурхназир ну илини тянишрарира тамашала адамличил. Черяхити чедибдешла дургъби кадерхурла глергъи 80-ли дус дикили сари, амма илдала бикъруми гъанара дунъяличиб мицирли лебал. Илди гурра мицирли калахъес, арадешлизибра ункъли калахъес нушала хлукуматлира халаси къайгъи бирули саби.

Муса Мусаевли бурни хясибли, Ахъушала района Бурхимякъла шилизивад сай ил. Хапли хабарагарли Гитлерла душмантани дургъби дехдихъили сари. Муса-



ла кел узи арбукили саби дургъбази. Цаибил вебкнила кагъар касили саби бегтани 1942 ибил дуслизив киибил узира дургъбазу арукили сай.



Кавказла оборонализив кали сай душмайчил ургъули. Илавра ил вяхъили къяш чеббяхъили саби. Госпитализив сагъхейубли алхи сай. Дусмау атхлеаибси Муса гъалаксаурли сай ва дила келра узи алхнилис душмайс чеббицлес тиладииклули военкоматлизи чуйнал арякъи сай дургъбази вархъахъес. Хлерхъули кали сай, ахирра дусми имцадарили ил вархъили сай. Краснодарский крайла Туапселизив кали сай дургъбала тяхяр къяйда руркъули. 1943 ибил дуслизив декли вяхъили сай ва гур хлерхъили сай дургъбази.

Бусягъят Мусас хлукуматли халаси къуллукъ глеббиахъули саби. Арцла шайзибад, тухтуртала ва цархилти журала. Илини бурули сай Сулейман Керимовли 5 миллион къуруш гиб или.

Чедибдешла байрамлис депутатунани, шагъарла бекли конвертлизи кади хъили арц лугули сари, амма илди сунесун дихлули ахлен. Илинира дуртлули сай зягиптас, интернатунала дурхнас, мижитлизира дихули сари.

Баркалла биаб сунес биклули саби адамти. Нушара разилира илгъуна дявла ветеран левниличи.

## МУСА МУСАЕВИЧЛИС

Даргала ва Дагъиста  
Багъа баклахъиб гъабза,  
Россияла Кавказла  
Ветаурри пахрула.


Хлеа чевяхъидеш бурес  
Гъайбухъун иш гялабра  
Хлеа гъунарти дурес  
Хядурли сарра нура.

Хабарлари, хабарла,  
Хамбарибси даргала,  
Дубуртазив аклубси  
Душмантас чегахъибси.

Гъабзари, гъалбецливан  
Душма хъантла айтлунси.  
Дурхъал Муса, хлеа у  
Дунъяличиб машгурси.

Ватан багъандан хлуни  
Гязабти чекасисси,  
Гитлерла гъармукаби  
Чумра гязабберкибси.

Иш дурхъаси чедибдеш  
Нушачи баахъири,  
Халкълис азадти гямру  
Хлуни пешкешдарири.



## ДАГЪИСТА АСИЛ УРШИ

**Д**агъиста уршбани-бургъантани итди Ватла черяхіти дургъбазирра чула гъабзадеш ва гъунарти чедахъиб, гъалисалра гелумхлебизур. Нушала халадудешунала гъунартани нушара мурталра пахрули дирцахъулра. Гяхіцад жузира делкі сари чучила, кинофильмабира дуракаили сари.

Ишбархіра СВО-ла дургъбази контрактуни дигъи арбашули саби жагъилти. Гяхітицад уршбани жан харждарили сари гъаннара. 19-ра игит бетаурли саби Дагъистайзибра. Леб илабад чарбухъунтира, чулахъ бетауртира, амма сеналра, селизибадалра кінтідеш чехледаахъили хербирутира.

Илдазивад сай Дахадаевский районна Хъярбуклашилизиваклубси Хіясайниев Хасбулат. Ил контракт хіясибли Ватла къуллукъуназив калунсири, дургъби дехідихъибхіели ил чизилра хлебагъахъурли, бегітазира дургъбала гъаларти къяянази арякъун. Душмайс чейгахъули Украинализив калун. Херсонскоелизив душмайчил ургъиб, ил илав вяхъиб ва Москвага госпиталлизив калун. Сагъхейубли левай кінайсра СВО-лизи арякъун. Хіявкъяхъес тиладибикіути бегітачира лехіхехъиб. Илхіели ил Запорожсклизив ургъиб.

Илавра ил контузиялизи викили гуррара госпиталлизи арукиб. Бусягят Хасбулат дявтани детаахъурти излуми сагъдирахъули Мяхіячкъалализив сай. Дургъбазир сархибти ордентира лер михъирличи даршили, илдачил дарх белчудила медальтира. Хіябал чебяхісидаражала багъудлуми касили сари. Спортлизивра виркъули сай ил:



Кандидат мастера спорта по гиревому двоеборью, чемпион СКФО ЮФО Росгвардии;

Бронзовый призёр Дагестана по армрестлингу;

Мастер спорта по Пауэрлифтингу – тяжёлая атлетика.

Илдирра гъунарти сари илала. Хіера, илгъуна сай нушала игит Хасбулат. Авал уршила дудешра сай. Ил паргъатли уэс вирули ахлен, сунела дявила гъалмагъуначилара пикриикіули сай.

Илдас сегъуна биалра кумек глебаахъесра волонтертачил вархикили къайгъназив сай.

Дерхъаб хіела гямру ва хіела дурхналарра гяхігъабза, Хасбулат, эс дигулра набра. Хлед саби иш назмура.

# ХІЯСАЙНИЛА ХАСБУЛАТЛИС

Дургъбала ціализивад  
Мицірли дуравхъунри,  
Ціудара душмантала  
Ахъри хіял асахъири.

Баллагъла бандертала  
Хъянтіала адитунри,  
Дургъбала аждагъала  
Гямру къантідиахъубри.

Хіечила гяхіси хабар  
Дагъистайзи гяйбиуб,  
Хъярбукіантала багъа  
Ахъ хіурхъиван ахъбиуб.



Хъярбукантала хабар  
Гъалабра халасири.  
Хіугъунти гяхігъубзнани  
Зубрази баахъибсири.

Тіашаили хіярхіуби  
Дургъбала ціа дишахъи  
Чарухъунри гяхігъабза  
Хасбулат Хіясайнила.

Игит сайри хіу гъанна  
Россияла, Кавказла,  
Къургъала хіенкълизибра  
Муса баргири хіедра.

Пахру сайри даргала  
Багъадурри хъярбукіла,  
Хъар даргазив валгунси  
Бахълизив багъа ахъси.

## САГАСИ ЖУЗ

«Дила шуибил манзил» биклуси жуз бучлулра ва наб сагаси у саблин поэтла-авторла пикрумази гяларикилра. Ильяс-хъала Патиматла поэзияла цаибил жуз саби ил. Патимат Ахъушала районна Гъебала школализир 47 дус рузули кали сари ва илдазирадли 37 дус директорли. Сари хлерирули ва рузули калунти дусма-зир сунела пикруми луклули дубурлантала гямруличила, шантачила кали сари. Сунела гямрулизир чедаибтачила, халкъла

къисматличила луклули сари, сунела назмуртира. Патиматла рурси сари пергер халкъла гяртистка Зульфия.

Нешла жузи дурадухъахъес илинира гяхлси хлянчи баррили сари. Баркалла биаб сунес. Патимат бусягял нушачил рарх агара, амма ил гъанрирахъули илала назмурти нушала «Лачин» журнал бучланта гяладирхълра.

Патиматли сунес гелар сегъунти къелхлери датурлил нушара пикридикулра.



# ДИЛА ШИ

Дахъал лер хлурхъи,  
хлуркѳи,  
Хѳелагъунти агара,  
Дагъиѳта ванзаличиѳ  
Жавгъар духури дила.

Вацлурѳи лер гъар мерлар,  
Майдунтира черикѳла,  
Хѳелагъунти хѳедалас  
Гъеѳа, хѳяли урѳила.

Сен биубал хѳебалас,  
Хлѳу бархъѳатес цаѳехѳта,  
Занттили, мяштѳбаресли  
Хлѳуни саѳи ѳяркъурти.

Севан дирарал хѳезир  
Хѳер хѳекъли салхлунхѳели,  
Яѳдала чирхъѳанази  
Нуша жидиклѳхѳели:

Дурзамла тѳама, хѳенкъѳла  
Жила сен мяштѳдарестил.  
Гѳямруличи гъуцѳ-гъѳира  
Иргъѳис нуни илѳдазиѳ.

Гъѳава хѳела умуси  
ѳатадѳлира хлѳу ѳахъхѳи,  
Гѳердурцули ѳирѳкѳанти  
Дуцѳдикѳлахъу дила хѳи.

Мяштѳа ири хлѳу, пергер  
Гъѳубзни ватѳайс ѳеѳдиѳѳи,  
Иѳѳагъѳи ѳяркъурѳи  
Дарга машгъурѳариѳѳти.

Чум дус шала калаѳра  
Калаѳи, дила Гъеѳа!  
ѳегѳлара дурхъѳал далаѳ  
Хѳечила саѳи дила.



# ВЕТЕРАНТАС

Хіурхъиван хіяндиубти,  
Хіянба жагадарибти,  
Ватлан ганзбирул душман  
Сунна хіябла катурти  
Арали датабая,  
Нушала ветеранти!  
Гямру даимдиахъес  
Арадеш харжбарибти,  
Ватлан ганзхілебарахъес  
Душман хіяриихъибти  
Гязиз жан хъябла дигъи  
Гъазали кадерхурти,  
Гяхігъубзни ветеранти.  
Ватлайс глергъи байхъала  
Европара буцибти,  
Увахіси бекі душманна  
Жан асес бекідиубти.  
Хи клартіули душманна,  
Дунъя хіли иркибти,  
Деца хіушаб, дургъанти  
Россия берцахъибти!



# МИРХЪИЛА ДУНЪЯ САБИ НУШАЛАЙЧИБ БИШТІАСИ

Гъар журала миціраг  
Лерти сар дунъяличир,  
Халати сари цадехІ  
Лер диштІлати илдачир.

Носорог ва пилани  
Жирафуни, тигриби,  
Къунзкадиклар азадли  
Ванзаличир бягІуси.

Арцантала ургарра  
Лер халати, диштІлати,  
Страус сегъуна леба?  
Шан чяка сецад леба?

Тпунтіри – жибинтазирра  
Лер илди гъар журала  
Цугбуца мирхъиличил  
БиштІаси имиала.

Арцанти ахъли урцар,  
ТентІ, жибин гяшли дирар

Члакни ахъли кІайдихІур  
ЧатІни гяшли ласдиклар.

Тпунтірира жибинтира  
Хъулрази мерладирар,  
Хъулразиб имиала  
Муридешлигиб умцлар.

Гъарилра мицірагла  
Мер лебси саб сунела.  
Илдазибад гъарилла  
Дунъя лебси саб чула.

– Дудеш, или биалли,  
Гъарил журала жанна  
Нуни аргъес хІейрупра  
Лебсира дунъя чула?

Эгер лебси биалли,  
Нуни иргъул тяхІярли,  
Мирхъила дунъя саби  
Нушалайчиб биштІаси.

# ДУДЕШ, УРИ КАЙСЕХІЕ, НЕШЛИС ПЕШКЕШБИРЕХІЕ

Дугила заманари,  
Рабазан азбарлаври,  
Заклизи хІерикІулри,  
Суалти дахъдикІулри.

– Дудеш, ури касехІе,  
Нешлис пешкешбирехІе

– ВирхІейрар къалли, урши,  
Саб ил дебали ахъси.

Хъалчличи адицІехІе,  
Ила ганзи биршехІе!  
Илавад ахІейалли,  
Дубурличи айцІехІе.

Зак саб луті агарси  
Зубарти иларти сар.  
Вашаллира сецадхі,  
Илдачи ваэс хлейрар.

– Дубурличи диршехе  
Лебталалра ганзурби.  
Илхлелира хлейрусив  
Ахъиэс зубартачи?

– Хлейруси сай, дудешла  
Ахъиэс зубартачи.  
Сецад-дигара хлуни  
Даршадлира ганзурби.

– Дудеш, гъанхлебиркулив  
Дугели дубуртазиб,  
Шилизи аркъухлели  
Гъагултази даили.

Нуша дубурличирри  
Гъагулти къадаларри.  
Илавадра урмачи  
Марли ваэс хлейрусив?

– Ит дуги чебаибси,  
Дирихъри къадалабси.  
Гъарли-марли гъагулти  
Гурра гяхлцад сар ахъли.

– Хлебиалли секъяйда  
Уръи пешкешбируси,  
Нешлис дила ахлерси  
Касес хлейрули глергъи?

Гъарил дунъяла инсан  
Мешуси сай урмичи.  
Уръи ветаэс хлура  
Вирусира, дигалли.

Неш хлулклули хлеррара,  
Гяхлси урши ветаи.  
Гямулти гъарахъдара  
Вархъли вирен мурталпра.

Илхлели хлела нешлис  
Ветаруд хлу зубари  
Мурталпра ил пахрули  
Рирар хлечи разили.



# Суратиклуси КЪУРБАН

Къурбайс даим дигахъу  
Суратуназив виркъес,  
Даим къалам касили  
Узар вамсниагарли.  
Мурталра сай вархили,  
Сурат бекбарес къасли.  
Се биалра барили  
Хлерилзан тлашизурли.  
Гяхлбилзан цацахлели  
Сурат сунни барибси  
Рахли гяхлхлебизалли,  
Барсбиру цархил шайчи.  
Лерил секлал дирути:  
Мицирти ва дебклибти.  
Лерглер сари диштлати,  
Агу цалра халаси.  
Буреба гьимирличил,  
Буреба ибхлейбуси,  
Гьимиртазибад кьикла,  
Тпулекара ибуси.  
Пяспясаг, тентл ва мирхъи,  
Илдачил барх жибинра,  
Чичлалала дурхляра  
Неш чичлала агарли.  
Ну маслигяतिकлулра  
Дарахъес ябу, урчи.  
Илдачил дарх къял, бугъа,  
Ва авадан дубурти.  
Къурбан иklar урклухъи,  
Нуни бурибсилочи:  
– Илдигъунти халати  
Кахлерцар клапилизи!



# Дурхїнае хабурти. Цундеш...

– Квар-квар-квар-квар! – Тамадариб ризкьили кьубдиклүти клүрклүртани.

Сапили бекі ахьбуциб: «Дузби гьузгьалдидиубси глүрра их гьалакти гунзрар льякьухлели дуилигу... Савлиличирад бархїи ахьайчи, бекі бучлахьули, илала кьутїла ва вякьла тїама камхледиар. Уркьули яра гїябул хїяжатбикалли, дапариклүли ишавяхї дуциклар, нуша дучес челхьусиван урухдирура. Мурт тамандирути илала хїянчи?»

Илини нушала хьа вегїла чїябурти уркълани дурцуси сай биклар, жагати улкьайти-унзурби дируси сай биклар. Нуша, клүрклүрталара илди агарли гїямал бетарулигу. Селис хїяжатти вара адатас ихдицад клүхра вякьра дарили хьулри?» – пикрибиклүлри Сапи. Клүрклүр юртлизирад чедихути тїама-гьамалахлєргьесили азбарлабад анхьлизи дурабухьун. Хїярилиубад бикили милкьягиб умцлєрбухьун. Дураб дигалли шинни бужес, дигалли дузбачил хїяз барес алавла гьарзалири. Лебтачил барх тїамали биркьули или я хьа регї рургьули ахлєнри. Азаддеш, эркиндеш, хлүлбуклри сецад-дигара!

Бархїи ихьухлели, юртлизирад чедихути кьутїла тїама кьайдикиб. Хьа бегїтала разити дукелци, чархараби иргьесдиб.

«Гьалакти гунзрарла хїянчи тамандиубли диєс. Шакбикиб Сапи, – гьанна чина дигара башес, чинаб-дигара гїяйбиклєс бирус. Ахирра ахир чеббикиб кьалли балагї их гьалакти гунзрарла...» – уктемли гьуникад кьунзбухьун клүрклүр. Дузбачи чарбиєс дигули, ил кьапулабад хлєрбизур. Устапли хьа

бегїтала някьби дурцулри, арукьєс гьалаклири. Ил гьуниввалтули, хьа вегї кьапулавад дуравхьун. Илини кьапугьалаб цунни кьунзбиклүси Сапи хьямикки буциб, устас гьабуциб. Батбухьєс дигули, чїярбиклүси клүрклүр илини ванзаличи гїинибариб, илала кьяшми чїянкїила кесекличил дигьун.

– Буца, уртахь, иш дила камси савгьатра хлєд саби. Азир мурад дааб хлєлану, буца иш клүрклүр. Бусягїят белгьадлира, дигарцад цлєрхьли саби.

Сапи урухбиуб, дуклума пьлхьярби-клєскабиб. Устали ил паргьатбиахьєс дигули, малхїямли хїяршбариб.

– Юх, юх, валликьяна, гїягїнили ахлєн. Се бариша ил цунбухьахьї арбухили. Гїягїнили ахлєн, – клүрклүр чарбарєс вализур уста.



– Вари-вари, архлебухадли – гьимуркӀус. Дила юртлизиб ил бархькабатадли гьямрулис гьайхлейкӀус. Белгьес дигадли, белгьен, хлеркабарес дигадли, хлербара.

– Белгьес-деклар вирару иш жагаси се-клал, рурхӀути, верхӀрангдирути пухӀлира сабира, пикрумазиври уста, шалкӀубуцили клуркӀурра хьуливяхӀ ватихьили.

«Уста илцад-деклар вайси уили ахӀен, – циила паргьатбиуб Сапи.– Наб илини сел-ра вайси хӀебаресгу. Амма чина архулрара ишини ну? Сегьуна мерличи? Гьалакти гунзрарли ну сунечи архулрара?»

– Цив-цив! Цив-цив!-Пукьаларад цир-кӀти тӀама чехиб Сапичи.

«ЖибхӀни! ХӀерагу гьари, сегьун-ти диштӀати сарил илди... ХӀябалра дхьутлаби!» – Сапи илди дерахьес тьхӀухӀедиахьес гьалакбиуб.

Савлиличирад бархӀи ахьайчи цалис гӀергьи ца акӀубти вецӀну кӀира жибхӀя бергеси тӀалаббириули, вичӀирдикӀесдииб. Гьалар акӀубтигьунти, хьа регӀ рагьарри-убмад илини хибси нусила хьибхьрали дугес дуцӀдикӀесдииб. Калунти гидгура-зирад тӀама аги. Сапили ир-гьулри: Илдазир мицир-

ти жан аги, гидгури дерхӀилри. КлуркӀурли илди пукьаларад дура гердатур, жибхӀни кадирахьес мер азадбиахьуб.

Пергьила бархӀи устала хабчабли Сапи-ра жибхӀнира унруби арбьякь бацӀбухьунси анхьлизи гечдариб. БурхӀни ардашулри. ЖибхӀнала хӀязаначи, абзаначи клуркӀур хӀилнабиркьулри. ЦацахӀели илди милякь багьандан яра мучила кьякь багьандан жалтадиркьулри, журда жибхӀни биалли кьавгьализи дархӀли диркулри.

ЖибхӀни халадикӀулри. Сапи гьанна илдас милкьи гӀердаахьес гӀебхӀебиулри. Цалис милякь бедибхӀели, итилти гьим-дуркӀулри. Сапила жиличи лехӀлехьили, чина-биалра дуцӀкадикӀулри. Чуйна-рил дигӀянбиркули чебаибси вегӀагар хьунцӀбар житали мурт-биалра жибхӀя арху или клуркӀур децӀлизибри, дугӀ ардашути жибхӀни чукурдарес гьазализибри.


Забли ургьухӀели, Сапи тамай хӀяла-гарбириулри. Халакадаибти жибхӀни клур-кӀурла дуклумау кахӀедурцулри. РахӀли забла кӀантӀ чегалри, дубаначирти жибхӀни зигардулхьулри. Илди хӀедамхӀахьес Сапи гьашбиалри, дайларти «нуша хӀуни гьяжди-рулра, гьянндиркахьулра или чӀярдикӀулри.

Анхьлизиб заблизиад дигӀянбикес сегьуналра мер агарли, урзухӀелилра берубси пукьализи жибхӀнира нура бухӀнахӀейулра кьалли или Сапи устала хабчабличи гьимбуркӀулри.

ЖибхӀни халакадаиб. Чус сари жага-дилзули, чула чуни гьямал барес дирни-личи пахрули диркьули илди уктемли чус дигнадяхӀ кьунздикӀесдииб. Сапи тамаша-бирахьули, амчӀур гьяргӀначилра, кьаб-кьин дагьачилра гьалмагьдикиб. Сари халакадаахьибси Сапичила хьумартурли, чула кьайгьнази ахьиб. Сапи гӀурра цун-бухьун.

Духьянти дуги-хӀерилизиб Сапи гьа-чам гьанкӀбулхьули, гьачам (гушбиь-ниличи шакбикибхӀели) милкьи дар-гес кьайцӀбулхьули, цундешлизир гьямру дуркӀесбииб.





«Тамашала гямру сари нуша кӀуркӀуртала... Хужаимли дигухӀели дигарцад далхулира. БугӀярхӀели, вана-

си пукӀализир хӀеркадирулра. Ил хьулухӀалли, лугьулира, дигухӀели дирцулира. Сунела саватдеш чедаахӀес дигалли, чис дигара савгӀатдирулра...

Инсанта сен хӀергьуси вара нуша, кӀуркӀуртасра, жан ай-сухӀели, изиарни? Дузби-дурхӀназирад мяхӀрумдирухӀели, нушабра децӀигни? Цундеш кьадардирухӀели, нушара ялкьуз-дирни?

КӀуркӀуртала мез нуша, кӀуркӀуртани ахӀи хӀедалухӀели, сен-сен иргӀахӀуси вара адамтази мицӀирагла шишимтачила?»

*Рустам МуртазагӀалиев*

## ВИХЪРИЛА ХАЛКЪЛА МУХӀЛИЛА ПАГЪМУ

**Г**анна бикайчи вихърантала далуйти, хабурти, насихӀятуни, гӀякьлу, масхурти ва царалтира учидяхъили мерладарибти ахӀенри. Амма илдала дебали давлачебси пагъму саби. ХӀера ишди ца-камти тугъали чебиахъули саби нуни бурибси.

Иш гӀядатла бетаурси далай бучӀуси сабри бахъхӀи марка хӀебараллири. Вихъранти дубурличиб, хӀербирули лебай бучӀусири, диркьаличи гечбиубхӀелира гӀяхӀцад гӀядат бетхӀехъили калун. Ишкьядали бузахъусири: чумал урши учибикили, бекӀличи се-биалра кабуцили, кьакьурбазир ласбикӀутири «Забурай» бучӀули, чила-биалра кьапулизи кьутӀдяхъили гидгарличи хӀерликабирутири, хъа вегӀли масхарличиб илдачи шин чьабхъдирули дирутири.

### Забурай

Ва забурай, забурай (амин)  
Забурлисра шин дикаб (амин)  
Кьаргайсра мура дикаб (амин)  
Мукьарлисра кьар дикаб (амин)  
Ванзалис ВазиряхӀмад (амин)  
КӀел гидгарира дикаб. (амин)

ШантанидахъалгӀалартихӀязанирадала. Илдала ургаб саби «КӀитӀил» бикӀусира.

### КӀитӀил

КӀитӀил, кӀитӀил, кӀитӀихӀялипа,  
ХӀябал чӀала чӀяхӀичӀяхӀила,  
МяхӀяр хъула хъулибил  
ЦӀуттара гьабза  
Гъаппил каппил ламъалипя.

## Дубхлевцибис бучлан

Дубхлерцан, цукхлеркан, бархала хамир букан, сяггла авруша букан, пусси супл супил кьирцл, ккатни шичи дикан, хургьи дуццане дикан. Вацни суннатла диркьан, сурен гатала лихбар, хякрала хинкли дукан, хябтуйзир бетлу сайхьян, жехличил бетлу балшан, дубхлерцан, дубхлерцан.

## Буралаби

1. Адамли цайна кьяна бурибу, глур иличи гьамадли вирхес хлейрар.
2. Адам палтарли жагахлейру, багьудили шалавиру.
3. Чини дахьил дагьалра, илис узес камли чебиркур.
4. Вархьси адамлис гьар шайчиряхл унза гьаргти сари.
5. Чис адамли гьяхси баралра, илис кийнаби биру.
6. Гьяхси гьай бурибси пашманхлейрар.
7. Дуцлрум дуцларти диалли, яни дьаргибти ляркьян.
8. Маймунакла маймунакгьуна уртахьра бирар.
9. Хлевзусила хьали бацли бирар.
10. Дудешла хьарбаркь барибсилис вайна хледиркур.
1. Лига тина бялхья бецл (лезми)  
Багьираби
2. Ну кьумбиклус кьаннай урхьнази башус (лагья)
3. Айхью кайхью ахьайхью (хлали)
4. Ит муза иш муза дайлеб мургьила муза (цла)
5. Ца велгьайгибазир узи (бушкала)
6. Мусназиб зархла ласлуг (чичлала)
7. Хлунтлена кларалар хяна анкли (мизгьури)
8. Ликка иккан, кам ишхьян, кьама букан (Кьама)
9. Ликка тинаб бялхья бицл (Лезми)
10. Муснациб ццархла ласлукл.

## Хабар

«Ца дудешла хябал урши»

Левли уили сай, левли уили сай ца пулан шилизив гьакьлучевси адам. Буили саби илала хябал дурхля. Ил дебали ухьна каваилри. Дудеш убкьлхлели хьарбирули сай уршбази гьар ца бархили сунела хябличи башахьес. Халаси узичибад ярга бехибирхьулри. Амма илини дудешли хьарбарибси кьянабарили вякьи ахлен. Клеэсил узира илван дигьяникили калун. Виштлал узичи ярга сабаилри. Ил сунела узбас кьадинра хябал бархли илав кали сай.

Цаэсил дуги калунхлели жагаси лямцлличил ухуси урхьула урчи чебаили сай. Клеэсил дуги цлуба урхьула урчи баклили саби. Хябьэсил дуги биалли хлунтлена урчи бакилри, берхливан ухуси. Виштласи узини илди хябалра урчи хьа темегле духлнаиб. Хябалра урчини дурхляс чула цаца гьез дедиб. Хала узбани хьариули сай узи вякьунсил ил хябличи хякьунсил. Виштлал узи ну итав хябал дуги калунра икьулри. Амма узби иличи бирхаули ахленри. Дудешли хьарбарибси васият хлущани хлебарода нуни барира викьулри виштлал узи. Урхьула цлуба урчила гьез халал узизи бедили саби, жагаси





лямцличил ухуси ур-  
чила гъез ургавси узиси  
бедиб, берхливан хлунтлена  
урчила гъез сунези буцили саби.

Хляблилпра илди цлаличи чедуцили сари. Дурхля мурад  
диклули илди хлябалра урчи виштлал узичи даклили сари.  
Хлябалра узи мурдабиили урчначи хлябал издаг рурсби  
сабукиб.

Дудешла хъарбаркъ барибсилис вайна хледиркур  
биклар. Иш хабарлизив виштлал узи чедииркули сай.

Виштлал дурхля сирила катурхлели дучлуту далуйти

Дуклаур дучлул чатла  
Анкъанид дулхъул нускар,

Мажалисла хляриван  
Хлядбали делсун нудбар.  
Ветааби хлу абас  
Кларахъан Шамильгъуна,  
Хлярлизир жанай вавни  
Духлнала делклун хлулбар  
Ветааби хлу абас  
Шанти разиси къади,  
Халкъ разиси юзбаши.  
Дубри дициб вавназир  
Дила хлунтлена вава,  
Ши бицибти дурхляназир  
Дила цуба мукъара,  
Къатти бициб къаркъназир  
Дила мярмярташ къаркъа.  
Аман хлала абала  
Урчилиер дачиб вава,  
Къаклер дачиб чумисттак,  
Хлела аба харирурк  
Абала ахлер дурхля,  
Ветааби талихлала  
Усен абала ахлер,  
Усен муриси гъанкли.  
Назмурти  
Ахъ дубурла гулвавни  
Я рангли дарсмадиаб  
Дила игуйла урки  
Гямрулис хумармадиаб.

Вавни дахъ ахъ дубурти  
Ахъ сен хладиклулера.  
Дила хлаци дишибти  
Дигай сен хладиблера.

Ахъ дубурла къугъадеш  
Гулвавнали дяхъибхли  
Дила чархла къугъадеш  
Хлу дила ша вакладли.  
Масхъуртала назму  
Хабар бура, васласи,  
Се буриша, матлатли,  
Хлябал члухляйла хъали,  
Хъарала михл духларли,  
Чол члухляйла гунери,  
Писалра нег агарли.

# ЛАЙДАКЛАЯ АЗГЪИНДЕШ

Гянручличил айзурли,  
Хіянчи биру гъабзани.  
Мучлаагарвирули,  
Къугъни диру азгъинни.


Хіянчи барес гъирали,  
Билхъа дураберклая.  
Адамдеш дулъахъути  
Азгъиндеш лайдаклая.

Чигъяван чіартла виаб,  
Яра пил къяйда вабза,  
Хіянчи бируси адам,  
Ил сай кайзурси гъабза.

Дузеная саклубли,  
Хіебиахъес юртлаб деці.  
Бикіхлебиклахъес хіези,  
«Хіянчи хіярамси хіявбец

Гушли сари азгъиндеш,  
Хъалибарг бисахъути.  
Мяштідарая гъабзадеш,  
Гялам къаціли балхути.

Дузеная духули  
Бузерила игитван.  
Хіердиаба разили,  
Ца нешли даркъибтиван.



## САГЯТЛА ЧЕБЛА

Тикъбиклес дуги хлери,  
Я азгъин хлебируси.  
Къияндеш хледалули,  
Иш дунъя бузахъуси.

Чула заманаличиб  
Адамти булхлехъули,  
Дугели яра гянручл  
Айзирая биклулри.

Биаб бархли янила,  
Яра дуцлар дуцрумла.  
Халкъла гъалаб сагятли  
Ихъу сунела чебла.

Усуси чеваргъахъес,  
Лихилизи зянгъбиклар.  
Буруш бархъбатахъурли,  
Хянчила укъен биклар.

Ардашар секундуни,  
Дуцли минутунира.  
Пергъи сар сагятуни  
Ва гямрула бурхлинира...



## КЪАЛАБАМАЙКЛУД

Гъамаддираб гъундури,  
Машинала шоферти.  
Чардулхъабая хъули,  
Бехлемцлизи хлейкили.

Аллагъ сай ахърила вегл,  
Хлу бархъси гъуйчи ушес.  
Хлечи хлerti беглtачи  
Разили чарвиахъес.

Кайилри хлу рульличи,  
Бухъян гъуни ихъулри.

Хлела архля барили,  
Гелавяхл чарулхъулри.

Машиналичила хлу,  
Адамтази гапмайклюд.  
Жявли виус виклули,  
Вари къалабамайклюд.

Вари, масхурти дати,  
Рульличи кайибхлели.  
Гъарбарес хлейрул хатла  
Гъуйчиб саб кабиркуси.

# БАТИРАЙ АРХІЯЛИЧИВ

(ШКОЛАБАЛА НИКІАБАС КІЕЛ АНЦІБУКЪЛА  
СЦЕНКА)

БУТІАКЪЯНЧИБИ: Гямарла Батирай,  
Мунги Гяхімад, Сукъур Къурбан.  
Цандалай.

## Анцібукъ цаибил

Жяв замана. Кішан далайчи Цандалайла мискин-мискинси хъали. Кам-гъамти ваяхІ. Чугуртира дукладуцили, гянулбачи цаличи ца гъамли кабиили саби далайчиби Мунги Гяхімад ва Цандалай.

МУНГИ ГЯХІМАД: Иш чугур уста Гябдуразакъла саби виклуду?

ЦАНДАЛАЙ: Саби, саби. Хіед балкъаахъурси саби. Гяхібилзулив?

МУНГИ ГЯХІМАД: Эллелей, хіекъли умуси тямара леб. Сунела чарх арабаркъ! Багъа-мага се буриба?

ЦАНДАЛАЙ: Багъа, дила узи, агара. Уста Гябдуразакъла ца тилади бартаахъадли баибси саби: белчІен илис ца далай.

МУНГИ ГЯХІМАД: Далай къалли белчиша. Чинаб?

ЦАНДАЛАЙ: Гъамливан илала уршила мекъ бирар, хіу жирури, виклар.

МУНГИ ГЯХІМАД: Хіекъли белчиша. Лявкъяс мекъличира, бура илизи илкъяйда.

Мунги Гяхімадли чугур бучлескайу ва далай зайбулхъахъа.

МУНГИ ГЯХІМАД (чугурра къимбирули):

Цандалай, дила юлдаш,  
Ну вакибси дякъличир  
Вава-къар ахъли дакІаб,  
Кішантала мулкличир  
Ризкъи дерхъили дакІаб.  
Уста Гябдуразакъла  
Някъбази къуват бедаб,  
ДурхІнас мукъри диркъахъес  
Хъулиб баракат биаб!

МУНГИ ГЯХІМАД: Дила узи, ца хіела тямара аргъес дигахъира.

ЦАНДАЛАЙ (чугурра къимбирули):

Ардуха, дила чугур,  
Шишимти ахъ хіурхъачи,  
Ахъ хіурхъала пурс къяцна  
Каргъахъес мукукрати.  
Ардуха, дила чугур,  
АнцІкыра хъанцІ урхънази,  
ХъанцІ урхънала хъамхъали  
Дуцахъес хъамхъализи.  
Мадагъаби шишимти,  
Дила Мунгихъа Гяхімад!

Ассаламу гялайкум или, чугурра дуклабуцили, Батирай хъули айцІур.

ЦАНДАЛАЙ ВА МУНГИ ГЯХІМАД  
(харчбилзули саби):

Вагялайкум ассалам,  
Тяма къугъал Батирай,  
Хіябра гяхіси барири,  
Вакіли хапли гяхілад.

Някъбира цацІадарили, кам-гъамти яхши-хушра дарили, хіябалра гянулбачи кабирар. Цандалайла хуху Салиматли урца кІабатІлизир къацІ-къякъра гъарушла хъабара лерху. Сари дурарулхъан.

БАТИРАЙ (чугурра къимбирули, далай бучІули сай):

Бигути дила гяхіли  
Нуни чебиис или,  
Хъуливад дуравхъунра,  
Ахімакъ узи Цандалай,  
Хіечи хъуракайубра.  
Наб хабарра агарли,  
Варгира гІурра юлдаш,

Пярбукла миналичив  
Хабар халаси гьалмагъ,  
Баркабан Мунги Гяxимад!

ЦАНДАЛАЙ: Машааллагъ, дила узи  
Батирай, хлела тламали нуша хляйрандарира.

МУНГИ ГЯХИМАД: Дила узи, Батирай,  
гьанна нуни Аминатли хлечи сен дигай дихьибтирил аргъира.

ЦАНДАЛАЙ: Аминатцун риалри, хлурхъан чум рурсила урки хлечил дарх ардухирил...

Хлябалпра далайчи, кам-гъамси къацфра барили, ца-ца гьарушлара бержили, гьайкабулхъан. Сагали далуйтази ихъур.

ЦАНДАЛАЙ:  
Батирай, дила узи,  
Гьар далай белчлунхлели,  
Лугъули къяцмук унци,  
Бирулири се гьямал?

БАТИРАЙ:  
Байтарман хлякимтани  
Савцахъили виасра.  
Далайхлейклули хлевъус,  
Гяxлгъубзни гапбирули,  
Вайгъубзни ганзбирули,  
Дила узи Цандалай.

ЦАНДАЛАЙ:  
Хлела далай багъандан,  
Дила узи Батирай,  
Биалра саби цацун,  
Азбарлабси арбас унц  
Балтулира хлед хлялал.

МУНГИ ГЯХИМАД  
Хлугъуна багъадурлис,  
Дила узи Батирай,  
Нунира мяштхлебирис  
Дудешли уббатурси  
Цлуб арцли белклун ханжал.

БАТИРАЙ:  
Баркалла, дила узби!  
Чарх гьишклуб била хьалли,

Урки архляличибну,  
Хлушаб бархли гяxлибираб!

ЦАНДАЛАЙ:  
Се мураду, се къасу,  
Архля гьарахъси биэс,  
Далуйтала байрахъчи,  
Дила хлурхъан Батирай?

БАТИРАЙ:  
Дила узи Цандалай,  
Гяxллачи даим хлерли,  
Къапу гьаргли дихлуси,  
Гяxлла хабар аргъили,  
Дубурацад виуси.  
Мабишаб хлела анкъи,  
Берхли булхъули лебай,  
Каммабиаб къумурлаб,  
Баракат дунъя лебай.  
Гьанна ваэс къас саби  
Сукъур Къурбайчи гяxллад,  
Бахъхли хлебакълрану  
Илала перегер далай.

МУНГИ ГЯХИМАД:  
Хлела дурхъаси сапар  
Глеббуцаб Чевяхисини,  
Дила узи Батирай.  
Нушара дарх ардукес  
Къас хлебиубу хлела?

БАТИРАЙ:  
Хлябилпра дукишану,  
Даширая набчил дарх.  
Се гяxлна биубану,  
Набчил дарх хлуша диъни:  
Гяxллас марси гяxлгъабза  
Дила клишан Цандалай,  
Багъадуртас гьай марси,  
Дила Мунгихъа Гяxимад!

Хлябалпра далайчиби, чугуртира къимдирули, хъулибад дурабулхъан.

Анцлбукъ клиибил  
Сукъур Къурба хъали. Анкъила гьала,  
буркъа хлякализиси клепикили, далайчи  
кайили сай. Илала някъбазиб цлудинга  
саби. Чугурла мерличиб ипра къимбирули,

Сукъур Къурбан далайикли сай.

СУКЪУР КЪУРБАН:  
Аллагъли хлербарибти  
Чум адам лебти вара?  
Нуван игъбарагарти  
Пур чихъали леб вара?  
Цабехитас дунъя саби  
Цуба нурли ухули,  
Юх, илдас ил хлебиур:  
Мас бучес къагъли саби.  
Цабехитас гямру сари  
Талихли парчдикули,  
Юх, илдас ил хлебиур:  
Алжайчира карцли саб.

Асааламу гялайкум или, хъули Батирай,  
Мунги Гяхимад ва Цандалай абицлур. Ан-  
къила гьалавси Сукъур Къурбан кланлурцу.

СУКЪУР КЪУРБАН: Дурхъати гяхли.  
Баркалла биаб дила юртла унабурхл  
ахънилис... Хлуша чихъали саррал,  
мабуридая. Кадиирая набчи дялчили ва  
хлушала чугурти къимдарая. Илхлели нуни  
бурис хлуша чихъалирал.

ЦАНДАЛАЙ: Хлед сукъур биклутира  
духути ахлен. Нушала някъбазир чугурти  
лерни сен-сен багъурри, дила узи Къурбан?

СУКЪУР КЪУРБАН: Дила хлурматла  
гяхли! Нуни дунъяла шала чебаибси  
ахлен, аммаки хъулирти ваяхл набчил  
чиллпра хлургъути гъайличил гъайдиклути  
сари. Хлушала чугуртанира набзи салам  
гиб. Ге, ге, хлушаб гьаладухъи.

Батирайли чугур бучлескайули сай, гъаб-  
убла гъайбатси макъам сукъур далайчила  
хъулиб урцули саби.

СУКЪУР КЪУРБАН:  
Вагялайкум ассалам,  
Дила хлурхъан Батирай!  
Гъари тлашаа чугур,  
Гъар секлал аргилрану.  
Хледа чугурла аги  
Хлебагъес ну гянцлирав?  
Хлурхъила къугъал гъайли  
Чугур бучлули белли?  
Хледа ванаси гьигъра  
Набчи чейгули белли?

Мунги Гяхимадли делхъла тамашала  
аги кайули сай.



**СУКЪУР КЪУРБАН:**

Вагялайкум ассалам,  
Дила Мунгихъа Гяхимад!  
Хабар халал Гярбукла  
Мургъила някъбар юлдаш.  
Хела делхъла агили,  
Ну сукъурли виасра,  
Чебаахъиб делхълизиб  
Цлуба декнар къуймурти,  
Лас-ласбухъи авидлаб  
Жагъти хляйранбирути.

Цандалайли къимбирули сай сунела  
чугурра, ца зимла манзиллис зайбухъахъи,  
гур тлашиули сай.

**СУКЪУР КЪУРБАН:**

Вагялайкум ассалам,  
Дила клишан Цандалай!  
Баргири къалли шали  
Дила янаша ваэс?  
Гябдуразакъла чугур  
Зайхлебиклес бирару,  
Клишан улгу-минала  
Хабурта бугъулигу,  
Сахават хъубзурала  
Дезнани бучулигу?

**ЦАНДАЛАЙ:** Машааллагъ, дила узи  
Къурбан, хлу далайчицун ахленри, хлу  
сихлрукъяра уилри. **МУНГИ ГЯХИМАД:** Юх,  
Къудратла вегли хлу сукъурли аклахъубли  
ахленри: илини хлед хлулби уркилизиди  
даршили кали сари.

**БАТИРАЙ:** Кашагли махъикан узи Къур-  
бан, гямрулизир чум архя диуб диалра,  
ишбархливан гярбизурси цалра хлебиуб.

**СУКЪУР КЪУРБАН:** Азир баркалла диаб  
хлушаб, дурхъати гяхли. Нуклун хля-  
дуриубсири ахиратла архяличи дурав-  
хъес... Нахла ил гелайчи арбухасли  
ахенси, белики, гурра илгъуна сапарличил  
хлуша набчи даклишаяну. Гъанна, дила узби,  
бихая гъари дила цлудинга, ца чархара-  
мага белчлес урки гьирбухъину.

Сукъур Къурба някъбази гяхлани гурра  
цлудинга бедлугули саби. Илини биалли  
далай зайбулхъахъули сай.

**СУКЪУР КЪУРБАН:**

Чум дуги ва чум хлери  
Дерклира цябдешлизир?  
Гъанхлебирки ишбархли  
Наб дунъя шалабирни.  
Чум дуги ва чум хлери  
Дерклира шишимтазир?  
Гъанхлебирки ишбархли  
Шишимти миъван дицини.  
Чум дуги ва чум хлери  
Дерклира анцкъилизир?  
Гъанхлебирки ишбархли  
Анцкъи кункли клундицини.  
Чум дуги ва чум бархли  
Калунра цундешлизив?  
Гъанхлебирки ишбархли  
Цундешлира вархъвалтни.  
Хлулбас шала биханти,  
Уркилиис къас луганти,  
Гямру жагадиранти,  
Дила дурхъати гяхли!  
Аркъян глебшни ва яни,  
Сеннира ляркъян хлебра:  
Хлушала къугъал «салам»  
Аргъес бикесгу гурра.  
Кашагилан далайчи,  
Багъирая, убкхлебклар,  
Дарган далайла устни  
Башули лебли гяхлад!

Харчбизурли Батирайли, Мунги Гяхи-  
мадли ва Цандалайли чула юлдаш Сукъур  
Къурбан клалурцули саби.

**МУНГИ ГЯХИМАД:** Дила гъалмагъ  
Къурбан! Гурра нурли пархбиклаб хела  
сахаватси урки!

**БАТИРАЙ:** Далайчи убккуси ахлен! Хлери  
вию нуша сагали хлечи гяхлад даклайчи!

**ЦАНДАЛАЙ** (далайчила някъбазибад  
цлудинга кебисули ва сунела чугур бед-  
лугули): Дила узи Къурбан! Ишбархлиличи-  
бад клишан уста Гябдуразакъла иш чугур  
хела саби. Арали ватаби!

Чугурла гъайбатси аги зайбулхъан.

**ПАРДАВ**

## ВАНАСИ ДЕВ

Ванаси девли, биклар,  
Хіурхъазиб миъ бицлахъу,  
Ванаси девли уркли  
Разидешли бирцлахъу.

Ванаси девли, биклар,  
Хъуми булан духъахъу,  
Ванаси девли дунъя  
Зурхіябван пишбирхъяхъу.

Ванаси девли адам  
Делхълизи ветулхъахъу,

Ванаси девли глурра  
Дурхіядеш чардулхъахъу.

Ванаси девли дила  
Рухі булан шаладиру,  
Ванаси девли кункли  
Бицлахъу шанда бару!

Ванаси дев, хіугъуна  
Хлебалас нуни дарман,  
Ванзаличив ватмалтад  
Виклуси цалра «аман»

## ХЛЕД ЧИ САЙРИ РИКЛИША?

### Гардла далай

Чи сай риклиша хлед ну,  
Дила хіулбала шала?  
Бусули сабигу бац  
Чедиб нушала юртла.

Дила урши, хлед дила  
Гъанна сари агара,  
Амма гардла далуйти  
Дучлас сецад дигара.

Сирми лайдаклили сар  
Нешана ишбархіила,  
Хіулрарти «пайтунти» лер  
Гъанна лебил дурхінала.

Виштласи сайли хъалли,  
Леври хіябра серхурси:

Урхъу бургъухіелира,  
Дублав усес вируси.

Пайтунниу кабихъи,  
Жита саб кьурбиклули,  
Сабиван мурил гъанкли  
Хіези усен биклули.

«Тяй урчи исис нуни, –  
Виклар хлед хала дудеш.  
«Мерседес!» – риклулра ну,  
Бара уршилис пешкеш!»

– Кіел дус набчи вархъая,  
Риклули сар хала неш,  
Дарган мезра далахъис,  
Кайсахъис члумати дебш.

Я чиналра хләрхури,  
Чичивалра хлелтари,  
Хлела нешли гьар секлал  
Дагьахьурли калтари.

Усен, дила ахләрси,  
Житара бусулину.  
Хлела муэртас булан  
Къарауйчир сарра ну.

Хъярхьики, халаваи, -  
Шала дунья хлела саб.  
Хлугъунти дагла дурхлени  
Гляршличи урцули саб.

Усен, дила ахләрси,  
Дуньяра бусулину.  
Хлела мурил муэрлис  
Къарауйчир сарра ну.

Гардла далуйта ручлес  
Нешра сарра рамсурли,  
Хлу биалли левалри  
Гъаннара пиширхьули.

Савли дудеш чарулхъан,  
Бялихъни дуцили,  
Глур хьуливад жургьулхъан,  
Хлу някъбачи авцили.

Хлела жита чебиргьур,  
Бялихъла гягI бакили.  
Авличи ил бетулхъан,  
Хлулбира суркдарили.

Усен, дила духури,  
Нура гъанкIриклурану.  
Хлези усен риклули,  
Русалъули сарра ну.

Хлела цула бакIнилис  
Дирулра нуни шабши,  
Бухънабас булан дуртIис  
Гъандикахъес дурхIядеш.

Усаунри ахирра,  
Дила урклила хIяли,  
Хлечи хлербиклули саб  
Шаласи бацла къяли.



Дагъала къяшмачи хлериклчи,  
Чамкур виклар:

«ИХАЛА ДАБРИ АГАРТИВ?»

\* \* \*

Мекъличирад неш-дудешличил чарул-хъухлели, Мадина дугъаризур: «Дудеш, ца къугъаси цѝкуру кариагу, нушаб сяхѝбатра бирар. Деркес-держестира дирар».

\* \* \*

Конфетуни дукуси Асиятлизи узи викар:  
– Биха, Асият, набра ца конфета.  
– Хѝла цулби изесдирхлур.  
– Хѝла узби клебу, Мирза?  
– Кеб.  
– Се хѝянчи бирулив илдани?  
– Виштѝл духуси сай, халал милиционер сай.

\* \* \*

Хѝбал дус виубси Шамил:  
Неш, дила кани изули саби.  
– Сен изусив, гъари, кани?  
– Илис «Сникис» дигухлели.

\* \* \*

– Хѝд чи биклара?  
– Мяхѝммад.  
Халаваибхлели?  
Халамяхѝммад.

\* \* \*

– Хѝд чи ветаэс дигахѝда, Дабай?  
– Гагарин ветаэс.  
– Сен?  
– Даршили хѝябличи дуклумира, бугляр-хлели берхлеличи урцес.



\* \* \*

– Хіуни се бирулри Сапият?  
– Чехлериулав сапун ицули, – риклар ил,  
сапуйчил палтар ицули.

\* \* \*

– Сен улкьайла шиша бячунрив, Мурад?  
– Иклар шиша агарли чехлебиулрив?

\* \* \*

Дагъни дяхибси замана Зайнаб:  
– Хлера, их чедибиркуси дагъа нушала  
саби.

Ца замана ил дагъа бешили  
чебаибхлели, Зайнаб унра дурхнази риклар:

– Хлерая, хлерая, чебиуляв их,  
дуцлизиб гъалабухъи аркъуси, нушала  
дагъа!

\* \* \*

– Пяхмадличив вайтла учлулрив, Гяли?  
– Хлердиклехле... Шоферла курсра таман-  
барилли, ну тухтур ветаурхлели. Илхлели че-  
биидая хлушани, – иб Гялини.

\* \* \*

– Чи сая хлушала класслизив беглар  
ункъли учлес балуси, Муса?  
– Учитель сай.



\* \* \*

Савли велхлунси Багъаутдин, хлулбира  
хункла суркдирули, виклар:

– Неш, сен хлуни ну мотоцикличи айахъ-  
ес хлетуррив?

– Муртрив, дила чатла?

– Ит ну усухлели.



# АФГАНИСТАЙЗИБАД УРШИЛА КАГЪАР

Ахлерси неш, хлечи кагъар луклулра  
Гелабяхл наб хъули гъуни агара,  
Дургъбани гъар секлал кадушиб дила,  
Арцурси хлярхляли дяхъиб гямрура.

Дугурбазир цлум сар, ну усхлевсулра,  
Бубклути бургъантас дарма нагара,  
Гязабтазиб саби Афганла ванза  
Хиличил хлечи неш, кагъар луклулра.

Гъаладяхл дашахъес гъар гъазализир  
Буйрухъ саби нушаб, чархлядирхъулра,  
Бамсри хлебалули нуша дургъулра  
Ахлерси неш, хлечи кагъар бурхъулра.

Гъар шайчирад кахти къяйкла иргъулра,  
Дяхъурби дилгъули нуша думсулра  
Итатир гъарахълар гумти къургъала  
Бисава ва ясгъунти тламри иргъулра.

Биаллира нуша члумадиклулра  
Душман ганзухъахъес гъала хлелтулра,  
Дулгули гъархлели Аллагълизира  
Гъаладяхл ганздиклес ахъри бирулра.

Ахлерси ванзалис далайдиклулра  
Хлуша абначила пикридиклулра.  
Ахлерти дурхлнасра, хъунри, рузбасра  
Дезна дучлес нуша къайгънадиркъулра.

Бурагу, Россия, себарес нуша  
Гязабтази иша дархъибти саррал  
Чумрара ишабад чархлебухъахъи  
Кахти балагъунас бяхчиаирил?

Хъуммартид Дагъистан чархлебухъунти,  
Афганна хлярхлуба агарбарибти  
Жан къурбандарили ишаб алхунти  
Кахли гязабтани гязабберклибти.



# Цадалгъра нушара



ISSN №0206-7935  
**Лачин**

**2/2026**  
март – апрель

Иллюстрированный детский журнал.  
Издается один раз в два месяца.

**Учредитель:**  
Агентство информации и печати  
Республики Дагестан.

**Регистрационный номер**  
серия ПИ №ТУ05-00413 от 22.04.2019 г.  
выдан управлением Роскомнадзора  
по Республике Дагестан.

Издается с января 1980 г.

**Главный редактор**  
М.М. Ахмедов

**Редколлегия:**  
С. Герейбеков (редактор)  
А. Абдулаева (редактор 2-й кат.)  
А. Абдулманапова  
Б. Булатов  
И. Ибрагимов  
А. Юсупов  
Х. Юсупов  
Г. Аппаев  
А. Курбанова  
П. Курбанова  
Р. Муртузалиев  
М. Муталимов  
М. Багомедов

**Технический редактор** Т. Лузина  
**Художник номера** У. Магомедова

Формат 60x84 1/8. Бумага офсетная.  
Уч.-изд. л. 3,54. Усл. печ. л. 3,26.  
Физ. печ. л. 3,50.

Подписано в печать 30.03.2026 г.  
Выход в свет 15.04.2026 г.  
Тираж 352 экз. Заказ № 1787.

**Редакция:**  
«Редакция республиканских литературных  
журналов "Соколёнок"  
и "Литературный Дагестан"».

**Адрес редакции:**  
367000, РД, г.Махачкала, ул. Даниялова, 55.  
**e-mail:** litdag@mail.ru, **сайт:** litdag.ru;  
**tg:** litdag; **vk:** litdag

**Издатель:**  
ГБУ РД «Этномедиахолдинг "Дагестан"»

**Адрес издателя:**  
367018, г. Махачкала, пр. Насрутдинова, 1-а.

Даргинский язык

**Индекс:**  
на год – ПС795, на полугодие – ПМ998.  
Цена свободная

Отпечатано в ООО «Издательство «Лотос»»,  
367018, РД, г. Махачкала, ул. Времена года, 6.



Ахмеханова Перихан. Някъла уста